

忻州直隸州志

葵

定生題



忻州志卷二十九

知忻州直隸州事方戊昌編輯

武科

明武進士

永樂

常 惠舊志戊子科武舉後連中三科准作武進士

萬曆戊戌科

王養性鎮撫署偏關千總

楊永深 科未詳

國朝武進士

忻州志

卷二十九 武科

順治己丑科

張四廸直隸保安衛守備有惠政民思之

順治壬辰科

張銘陝西鞏昌府洮州衛守備兼理屯務

乾隆戊辰科

馬掄元甘肅柳溝衛守備馬水口都司廣東高州鎮標

中軍遊擊廣西提標中軍參將

乾隆辛卯科

孫鎮吳

乾隆壬辰科

連應春廣西懷集營守備署上思營都司

乾隆癸丑科

孫漢鼎駐京提塘

嘉慶己未科

張普惠四川茂州營都司

嘉慶己卯科

陳守謙

道光壬辰科

劉 鉞藍翎侍衛山東兗州鎮左營守備

道光丙申科

張全忠三等侍衛

道光戊戌科

蔣旭

道光庚子科

史掄錦陝西西安城守營守備邠州營都司署固原提標遊擊陣亡 子雲騎尉世職見忠烈

王定字陝西固原城守營守備文縣營都司署馬營監營遊擊撫標中軍參將 子恩騎尉世職見忠烈

道光丁未科

史掄標駐省提塘

光緒丁丑科

張正禮候補營守備

張殿甲候補營守備

明武舉

正德己卯科

李侃榆林蔚州城守

嘉靖科

程蕙

李周南

隆慶丁卯科

李春榮

李茂先

傅琦

閻謙

黨良才

隆慶庚午科

成講

萬曆癸酉科

李紹祖

王養性又中丙子己卯科見進士

萬曆丙子科

李向陽又中己卯壬午科

萬曆己卯科

張一鶚

杜瓚

王學易又中戊子辛卯科

萬曆壬午科

李時盛又中辛卯科

楊應行揚州千總

李詩

賈敦

萬曆戊子科

趙永齡

傅養休

萬曆辛卯科

姜雲龍紹武將軍

萬曆丁酉科



張茂勳又中癸卯丙午科

萬曆丙午科

王家聘

萬曆戊午科

張維極

天啟甲子科

盧維藩

趙徵昌

天啟丁卯科

王用極又中崇禎丙子科平陽府守備陞都司

崇禎己卯科

董祥麟

崇禎壬午科

史重垣

董志道

以下科未詳

銀天哲

銀浩解元

銀沔

周宗釗

周應選

國朝武舉

順治乙酉科

周士鼎

劉迥凡

董開泰

物州通 卷二十九 五  
順治戊子科

索皇鼎解元

張其志

王藻

順治辛卯科

王開基江南江淮衛千總 郭文祥

順治甲午科

史廷章

李昆玉

張鳳翔

張見田江南廬州衛千總

順治庚子科

王琚

孔恭鐸

康熙癸卯科

王祿

康熙壬子科

馬斗英江西鄱湖營千總

康熙丁卯科

張建奇

李肅

康熙庚午科

張桂

康熙己卯科

董知難

王元斗

以下科未詳

張我知

王帝極

王成師

王之奇

周文英

武壯猷

范興武

張公正

楊繼文

陳家興

李望

雍正丙午科

趙嗣謙

雍正己酉科

馬掄元見進士

雍正壬子科

陳建業

乾隆丙辰科

彭現元江南長淮衛守備

乾隆戊午科

蔚檻齡

乾隆甲子科

焦志儒

張輔世

于凌雲

梁錚

常際春

邢繼業

乾隆丁卯科

邢鷹揚

乾隆庚午科

李 瑤 江 南 宿 州 衛 千 總

乾隆壬申科

王 朝 棟 江 南 漕 衛 千 總 馬 化 蛟

乾隆丙子科

石 成 功 署 定 襄 縣 千 總 邢 岱

乾隆壬午科

賈 庚 選

趙攀龍廣東雷瓊鎮標右營都司署欽州營參將

乾隆乙酉科

石成德河南信陽州守備 邢兆麟

乾隆戊子科

孫鎮吳解元見進士 胡 照定襄縣千總

乾隆庚寅科

連應春見進士 米士明

趙萬年陝西西安府右營千總

孫鎮南 聶攀龍

蔚 煒平陽府千總 范中立



趙猶龍雲南東川營守備剿匪陣亡祀昭忠祠 子雲

騎尉世職見忠烈

乾隆甲午科

董安國

乾隆丁酉科

米上

乾隆己亥科

楊朝柱駐省提塘

乾隆癸卯科

楊廷詔

趙爾瀛

孫懷信侯選衛千總

李巖

乾隆戊申科

趙來庚

孫漢鼎見進士

孫廷瑛江南江淮衛千總

張尙忠

張榮清

乾隆己酉科

張聖臨

孫漢彬

張聖溥江南江淮衛千總

彭璵

張型江南淮安衛千總

王玉柱靈邱營千總

陳崇山

王維清

乾隆甲寅科

胡建功

于躍龍

乾隆乙卯科

李如嶠

張普惠見進士

李 尙北樓營千總

趙美珍

馬應行

科未詳

嘉慶戊午科

周 頌

張聖毅

張名全駐省提塘補京提塘

嘉慶庚申科

張萬里

張萬方

嘉慶辛酉科

段應昇

張抱吉

邢 鐸 陝西起臺堡守備署孤山堡都司

嘉慶甲子科

邢顯揚

趙 治

嘉慶丁卯科

孫汝舟

蕭承何

孫廷瑤

張聖詔

張殿鼇駐京提塘遊擊銜

嘉慶戊辰科

李坦 江西撫標遊擊

宋定邦

嘉慶庚午科

孫漢清 候選營千總

李塘 靈石縣千總

崔超昇

嘉慶丙子科

張淮 江南臨淮衛千總

范文仲

蕭芳

段應揚

嘉慶戊寅科

趙樹功

陳守謙 見進士

嘉慶己卯科

張萬邦

王治

道光辛巳科

孫定臣解元馬市口千總

趙德充

陳西元

道光壬午科

趙安邦

趙步雲

郭國秦甯化城把總

沈士選

陳治改名漢陞駐省提塘補京提塘分發陝西遊擊

道光乙酉科

趙良弼

道光戊子科

王開甲

趙凌桂

郭全泰甯武營把總

道光辛卯科

劉 鉞見進士

道光壬辰科

段應顯

崔必達

趙 偉

道光甲午科

楊清樑

孫殿甲

張全忠見進士

楊達忠

道光丁酉科

蔣旭見進士

道光己亥科

史掄錦見進士

王定字見進士

道光庚子科

陳璠威魯堡千總

道光癸卯科

張達德

周召虎議敘遊擊



道光丙午科

段慶元

郭躍龍

史掄標見進士

道光己酉科

張上達

楊達道

劉濟鉞

李士達

咸豐辛亥科

郝崑璧

郭元龍兵部差官

楊達和

咸豐壬子科

郭春風

李鳳來

連虎臣

郭化龍

咸豐乙卯科

張永隆議敘遊擊

郝建標

楊逢時駐省提塘

孫登魁

杜芝田署興縣營千總

王開璽

咸豐戊午科

連恆山

咸豐己未科

冀堯宇兵部差官署潞安協中軍都司

楊達榮兵部差官署殺虎口守備靈邱城守營都司

孫鑑

咸豐辛酉科

郭春和

常占鼇兵部差官

宋紹英

同治壬戌科

趙從矩

蔚榮耀兵部差官

寇掄棻

張樹苾

同治甲子科

趙合中

張悌駐京提塘

蔚青雲署祁縣千總保舉守備

趙鉢

同治丁卯科

孫恆達

張鏜

同治庚午科

郝耀鼎

同治癸酉科

楊定國

光緒乙亥科

張正禮見進士

光緒丙子科

張殿甲見進士

光緒己卯科

王耀魁

米書香

忻州志卷三十

賢良

晉

秦秀字元良新興雲中人魏驍騎將軍朗子少敦學行以忠直知名咸甯中爲博士何曾卒下禮官議諡秀議諡法名與實爽曰繆怙亂肆行曰醜曾之行已與此同宜諡繆醜公時雖不同秀議而聞者懼焉秀性忌讒佞疾之如讎素輕鄙賈充及伐吳聞其爲大都督謂所親曰充文案小才乃居伐國大任吾將哭以送師或止秀曰昔蹇叔知秦軍必敗故哭送其子耳

今吳君無道國有自亡之形羣率踐境將不戰而潰  
子之哭也既爲不智乃不赦之罪於是乃止及孫皓  
降於王濬充未知之方以吳未可平抗表請班師與  
濬告捷表同至朝野以充位居人上智出人下僉以  
秀爲知言及充卒秀議充舍宗族弗授而以異姓爲  
後諡法昏亂紀度曰荒請諡荒公不從王濬平吳而  
爲王渾所譖毀帝雖不從無明賞罰以濬爲輔國大  
將軍秀上言輔國之號率以舊恩此爲王濬無功之  
時受九列之顯位有功之後更得寵人之尊號也四  
海視之孰不失望蜀小吳太平蜀之後二將皆就加

三事今濬還而降等天下安得不惑乎後與劉暉等同議齊王攸事除名尋復起爲博士秀性婁直與物多忤爲博士前後垂二十年卒於官

北漢

陳元達字長宏新興人少孤貧躬耕誦書樂道行詠忻忻如也至年四十不與人交通劉元海爲左賢王聞而招之元達不答及元海稱號人謂元達曰君其懼乎元達笑曰吾知其人彼亦諒吾之心不日驛書至矣其暮果徵爲黃門郎旣至元海曰卿若早來豈爲郎官而已元達曰臣惟性之有分盈分者顛臣恐大



王賜處非分是以抑情盤桓待分而至元海大悅在位屢進忠言焚諫草雖子弟莫得知也及聰嗣位忠諫如故聰每謂元達曰卿當畏朕反使朕畏卿乎元達對曰臣誠闇魯賴陛下恩顧使臣得盡愚忠昔世宗遙可汲黯之奏恢隆漢道桀紂誅諫幽厲弭謗亡也忽焉願陛下捐商周覆國之弊模孝武光漢之美則天下幸甚元達歷廷尉左司隸御史大夫儀同三司後王沈等構逆聰爲所愚誅綦母達公師曷王琰田歆陳休卜崇朱誕等皆羣闇所忌也侍中卜幹泣諫謂因左右之言一日尸七卿何以示四海因叩頭

流血元達復與劉易劉敷極言沈等殘毒忠善且言  
比年地震日蝕雨血火災皆沈等之由聰以表示沈  
等笑曰羣兒爲元達所引遂成癡也寢之復訪粲粲  
盛稱沈等忠清乃封沈等爲列侯太宰劉易復詣闕  
上疏固諫聰大怒手壞其表易遂忿恚而死元達哭  
之悲慟曰人之云亡邦國殄瘁吾旣不能復言安用  
此默默生乎歸而自殺人皆寃之

金

張翰字林卿忻州秀容人大定二十八年進士調隰州  
軍事判官有誣昆弟三人行劫者翰微行廉得其狀

白於州釋之歷東勝義豐會川令補尙書省令史除  
戶部主事遷監察御史母憂服闋調山東路權鹽使  
父憂起復尙書省都事轉戶部員外郎大安間充行  
省左右司郎中屢爭參政承裕與平章獨吉思忠論  
議不叶處置乖方多不見省及承裕就逮衛紹王知  
翰嘗有言召見撫慰改知登聞鼓院遷侍御史貞祐  
初爲翰林直學士充元帥府經歷官中都戒嚴調度  
方殷改戶部侍郎宣宗遷汴翰規措扈從糧草至真  
定上言五事一曰強本謂當哀兵徒徒豪民以實南  
京二曰足用謂當按蔡汴舊渠以通漕運三曰防亂

謂當就集義軍假之官印使相統攝以安反側四曰  
省事謂縣邑不能自立者宜稍併之既以省官且易  
於備盜五曰推恩謂當推恩以示天子所在稱幸之  
意上畧施行之翰雅有治劇才所至輒辦遷河平軍  
節度使改都水監提控軍馬使俄拜戶部尙書時初  
至南京庶事草畧翰經度區處皆有條理是歲卒諡  
曰達義

元

劉宣字伯宣其先潞人也因出戍留居忻沉毅清介居  
家孝友自幼喜讀書有經世之志宣撫張德輝至河

東見而器重之薦爲中書省掾宣暇則往從國子祭酒許衡講明理學初命爲河北河南道巡行勸農副使旋改行省郎中從丞相伯顏統軍平江南宣贊畫居多除同知浙西宣慰司在官五年威惠並著至元二十三年入爲禮部尙書遷吏部時將伐交趾宣言安南臣事有年歲貢未嘗愆期邊帥生事興兵彼因避竄海島交廣炎瘴之地盛夏毒氣害人甚於兵刃且溪洞寇盜常多萬一奸人伺隙乘虛告變難卒應敵須與深知軍體者論量萬全及再征日本宣又言數年間湖廣江西供給船隻軍需糧運官民大擾今

不宜再擾日本海洋萬里萬一不利焉能飛渡高麗  
居陸地隋伐無功唐太宗英武親征徒增追悔况日  
本僻在萬里哉帝皆嘉納是年中書議改鈔用錢宣  
獻議力言不便會桑哥謀立尙書省以專國柄錢議  
遂罷二十五年除行臺御史中丞時江浙行省丞相  
忙古臺悍戾縱恣慮臺臣糾言其罪而尤忌宣陰使  
窺伺臺中違失臺官皆懼往求自解惟宣不爲動忙  
古臺怨宣愈甚羅織宣之子繫揚州獄又誣告行臺  
沮壞錢糧以聞於朝宣及御史六人俱就逮旣登舟  
以軍船衛列宣遂自刎將行時宣書後事緘付從子

自誠令勿啟視及宣死後視之詞云觸怒大臣誣搆成罪身爲臺臣義不受辱又別有公文言忙古臺罪狀塗抹勾注辭句難辨後行省白於朝謂宣知罪重自殺聞者莫不嗟悼延祐四年從子自持上宣行實御史臺以聞追封彭城郡公諡忠憲宣忠義節操爲一時所重生平講明理學深悉當世利病及行軍輸餉之艱難故交趾日本之役以宣言遂止仁人之言其利溥哉二疏及本傳皆載藝文

明

姜濤字伯源忻州人永樂甲午舉人除嘉興府同知代

還督工口外補河間府同知未幾守以事罷民爭走  
闕下祈濤知府事遂授知府值外艱民復走闕下祈  
留任遷順天府府尹時祀典牲醴諸費悉供自民間  
濤請出庫錢供役先是濤赴京時有王同知者與有  
隙王死妻子以事械入京師濤聞飲食之待有加禮  
又前督工時有舊官按察者在役亦與隙見濤恐懼  
不敢前濤與執手道殷勤如平生歡人皆稱其長厚  
遷戶部侍郎以疾歸未幾起督漕運倉儲卒於官濤  
清介雖久貴顯家故無中人產卒之日不能具棺殮  
訃聞賜祭葬如例



楊甯忻州人永樂乙未進士授戶部主事陞本部郎中  
有清節及卒止遺銀帶一圍子數尙氣節正統進士  
授雲南道御史以直言左遷新都縣有治稱孫玠有  
孝行

喬良忻州人景泰癸酉舉人授曲陽知縣安貧嗜學苦  
節當官冬一裘夏一葛卽宦邸猶然灌園有賈客訟  
失布良命舁邸舍抵門一巨石杖訊之觀者如市良  
佯言事不可白怒觀者各罰布償賈陰辨款識遂得  
盜者擢隴州知州清節不渝

張蕙忻州人成化丙戌進士授句容知縣擢御史甚有

風望按山東監試持法公嚴時稱得士陞浙江副使  
以廉直忤時歸

楊戩字德儀忻州人成化甲午舉人初任通政司經歷  
陞陝西秦州知州南直淮安府同知湖廣常德府知  
府爲諸生時奮志力學剛方自守居官政尙嚴明吏  
民畏服在秦州有徹底澄清之謠以不事中人劉瑾  
罷瑾誅復官

黨承志字汝孝忻州人正德庚午舉人辛未進士授保  
定府推官有疑獄立爲判決擢刑部主事會吏部司  
屬缺員調驗封主事武帥導武宗巡行承志抗疏諫

心少元 卷三十一  
言甚激杖於闕下未幾陞稽勲司員外嘉靖改元預  
修武廟實錄充晉藩冊封使不受餽遺陞驗封郎中  
議大禮抗疏忤旨復被杖調考功再調文選銓除擬  
注各量才器請託不行擢通政司右通政提督武職  
錄黃丁亥值災異詔求直言上條陳四事勢要銜之  
以峭執論罷年七十三卒著忻州志

王孜字邦器忻州人正德己卯舉人歷許州訓導福山  
知縣工部郎中學正行方在許簡赴大梁書院教士  
有成效令福山大旱龜拆禱雨立降禾盡起有訴狼  
噬其嬰者禱神捕之一狼就網若伏辜狀餘悉渡河

去又有蝗不入境麥穗兩歧之異士民作歌頌之清節不渝以剛正忤權貴罷居鄉多厚德咸推重焉

王洽字本道忻州人嘉靖癸丑進士官行人八載乃遷吏科給事中請臨陣斬獲第錄將士功文臣及鎮帥不親搏戰者止賜資從之再遷禮科左給事中隆慶元年偕御史王好問覈內府諸監局歲費中官崔敏請止之治力爭不許事竣劾中官趙廷玉馬尹乾沒罪詔司禮按問尋上疏陳四事一言定宗廟之禮獻皇雖貴爲天子父實未嘗南面臨天下雖親爲武宗叔然嘗北面事武宗今乃與祖宗並列設位於武宗

右未協古典臣以爲獻皇祔太廟不免遞遷若專祀世廟則億世不改乞敕廷臣博議一議謹燕居之禮竊聞燕閒舉動有非諒闇所宜者宜重之其二亦切直時多臲焉居諫垣十五載擢太僕卿憂歸卒賜祭葬

傅霖字應期忻州人嘉靖壬戌進士初授吏曹以宗親改壽州知州請罷壽春驛正陽鎮巡檢並協助徙島金米遷大名府同知再遷河南僉事備兵睢陳實倉廩簡材勇大計爲權貴所構罷歸神廟卽位謂曰耆執政狗愛憎刺舉多不厭衆心命所司廉察以名上

除平度州知州遷湖廣荆西道會中貴營顯陵費役  
萬計抗顏與爭並駁其履畝之舉艱歸補遼海兵備  
道二年復爲同官所構中以計典弟需以御史家居  
抗疏理其寃都御史亦以上聞詔以原官起用卒堅  
卧弗起居鄉立祭田贍族人煮粥哺饑者

陳功字惟志忻州人隆慶辛未進士禔躬冰立執法霜  
嚴厯按詳讞惟明激揚不謬餽遺勿取舉薦謝金不  
納過家有里人進鏹以事託者叱絕之身後厥子稱  
貸疊見幾不保故物焉

王致祥忻州人隆慶辛未進士爲兵科給事中十三年

上言祖宗法非宿衛士不得持寸兵今日夕內操使羣不逞挾利器出入禁門禍不細上留致祥疏卽日罷之累官右副都御史巡撫順天卒

傅需字應雷忻州人參議霖弟忠鯁能任事萬曆丁丑進士初授咸陽知縣庫吏進羨金叱還之恐其中飽因取抵下戶丁徭補華亭革除縣櫃之役入爲監察御史巡漕河時內供增二十萬金猶不足將取諸房窖抗疏論之得中止按四川發大帥李應祥奸贖李橐千金求免卒論罷有職憲副者怠於官亦糾劾以去人病其執因告歸閉門纂晉文獻通志聞兄參議

被誣特疏白之先是江陵當國鄒總憲元標以爭奪情謫都勻需數往視爲措道里費

張泮字有源忻州人萬曆丙戌進士耿介廉直居銓曹嚴絕餽遺終養二十年朝野想望其丰采屢起留銓晉璽卿俱不出親歿從太原歸葬徒步哀泣感及行路尋補通政司參議冊封藩王王肩輿過節前泮正色斥之劾不敬奪祿遷太僕少卿薦守令一介不取晉光祿卿時閣豎弄權假內用冒破不貲疏正其罪卒日遺橐僅十一兩殯葬不能具士論韙之子宏業死闖難自有傳



國朝

楊敬儒字恆南忻州人康熙庚戌科進士二十四年任  
臨湘縣秉性恬淡見事明決敢爲下車後值有裁革  
里長之議慨然以爲己任剔蠹除弊禁革冗費陋規  
不事敲扑而正賦輸將恐後里無追呼之擾清查屯  
荒招民開墾息民爭端修砌城垣振舉廢墜刑清政  
簡月課諸生手自評閱居常自奉甚薄疏食菜羹泊  
如也刻鄉約鐸書以化民成俗後行取監察御史清  
操愈厲嘗疏劾順天學政李光地奪情又疏請清丈  
田畝均湖南鄉試釐剔漕糧恤旗下奴僕皆切中利

病直陳無隱舊志稱爲不負所學云著有三柏堂集  
楊述字彭似忻州人康熙庚辰科進士居家孝友處鄉  
黨周急濟貧人所依賴筮仕盱眙清察利弊革除陋  
規如帶征季鹽行戶之類悉行豁免一時有斷事如  
神之頌因前任鹽梟未結罣誤歸里日與四方學者  
課文講義發揮聖賢經傳微旨作制藝若干首以授  
來學論者謂昌明博大可方思泉云桐城張相國廷  
玉海甯陳相國世倌各有傳

崔映辰字斗南嶸次子乾隆庚寅科舉人戊戌科進士  
歷山東新泰蘭山陽穀汶上日照知縣所至廉明慈

惠政聲籍籍會德平以漕務激變戕官委員亦被殺  
嬰城固守人情洶洶大吏甚怒議以兵勦映辰請撫  
之攜一僕單騎往諭德平民夙耳映辰名相戒毋犯  
因責以大義皆感泣羅拜謂使君活我入署坐堂皇  
錄首罪七人餘皆釋不問衆遂帖然事 聞 召

對 溫語褒嘉超擢泰安府知府遷濟東秦武臨  
道署按察使司映辰益勤於職遇事持正不少瞻徇  
卒以此與撫軍忤被劾 上悉知映辰降曹州

府知府方駿駿進用而映辰以在河工積勞得嘔血  
疾未幾丁繼母憂歸遂卒聞者咸惜之以爲未盡其

用云映辰少負異才又濡染家學文章雄駿有劉黃  
岡風力與父嘖並爲後學所宗稱爲西山先生有時  
藝合刊行世

徐福麟字石甫忻州東曲家莊人家貧年十六卽出爲  
童子師領道光丁酉科鄉薦甲辰大挑一等以知縣  
分發四川咸豐元年赴蜀需次四年權威遠縣事十  
月民情愛戴旋補鹽源與雲南永北接壤俗尙刁悍  
劫案最多麟每擒獲皆盡法以懲莠民知畏嗣鄰郡  
土匪蜂起日益蔓延因團鍊丁壯歷次擒勦邊境胥  
安以功保同知直隸州咸豐七八年間滇中獮匪倡

亂不逞之徒乘間滋擾永北騷動麟奉檄督團往勦  
屢獲捷勝而棉花地一戰勦績尤著保知府銜換花  
翎竟以積勞致疾於同治元年卒永北鹽源皆立廟  
以祀有傳載藝文

忻州志卷三十一

仕籍 武階 捐納附

魏

秦朗字元明新興人父宜祿爲呂布使詣袁術術妻以漢宗室女後歸降爲銓長隨漢將張飛去行數里欲還遇害朗少隨母杜氏畜於公宮曹公甚愛之及長游遨諸侯間歷武文之世而無尤也明帝初授以內官青龍元年五月爲驍騎將軍將中軍討步度根寇走漠北十月步度根部落戴胡阿狼泥等詣并州降朗引軍還遷給事中出入常隨從上每顧問多呼其

小字阿蘇數加賞賜爲起大第於京城中富埒公侯  
後劉放孫資薦司馬懿曹爽輔齊王乃罷朗官

東魏

劉貴秀容人剛格有氣斷歷爾朱榮府騎兵參軍榮性  
猛急貴尤嚴峻任使多愜榮心普泰初行汾州事棄  
戍歸齊神武累遷御史中尉肆州大中正加開府西  
道行臺僕射貴性峭直攻訐無所回避與神武布衣  
舊特見親重卒贈太保太尉公錄尙書事諡忠武齊  
受禪詔祭告其墓皇建中配享神武廟庭次子洪徽  
嗣樂平縣男卒贈都督燕州刺史

漢

閻晉卿忻州人家世富豪少仕并門歷職至客將高祖  
在鎮頗見信用乾祐中歷閤門使判四方館未幾關  
西亂郭從義討趙思綰於京兆晉卿偏師以攻賊壘  
賊平爲內客省使丁父憂起復前職李業等謀殺楊  
史詔晉卿謀之晉卿退詣宏肇將告其事宏肇不見  
晉卿憂事不果夜懸高祖御容於中堂泣禱於前遲  
明戎服入朝內難旣作以晉卿權侍衛馬軍都指揮  
使北郊兵敗晉卿自殺於家

宋



輔超忻州秀容人少勇悍有力晉開運中應募隸澶州軍籍漢乾祐中從周祖討趙思綰攻永興城率驍勇十七人升雲梯斫壞北門樓而入士卒繼進城遂陷以功補小校顯德中從太祖征淮南常執銳前驅轉日騎副兵馬使宋初從平上黨再遷內直都知太宗選爲馬軍都軍頭征太原冒矢石攀堞先登身被十三創上嘉其勇賜錦袍銀帶帛五十段詰朝再乘城中流矢入復加厚賜襲范陽隸偏將米信爲田重進先鋒取飛狐蔚州遷馬步軍副都軍頭出補曹州馬步軍都指揮使領峯州刺史改欒州召還轉都軍頭

淳化三年出刺德州坐事責授右監門衛將軍領誠  
州刺史加都軍頭領澄州真宗加領獎州團練使真  
拜萊州團練使以老願留卒年七十七

元

劉璧忻州人歷牧守遷本州兵馬都總管事知本府事  
蒞政仁賢吏民懷畏

劉鏞忻州人至正間爲榆次尹以儒術飾吏治筆翰如  
流縣政一新時巨寇劉八忽等自陝潛入邑境鏞察  
其有異收之果服任滿遷去民立碑頌之

明

宿冕字仲文忻州人永樂丁酉舉人歷上蔡上元知縣陞戶部主事以平交趾督餉功擢郎中致仕孝友清介與楊甯等三人里居結社

董芳忻州人遷居鄠縣正統乙丑進士歷官右都御史巡撫大同召爲刑部尙書長刑部三年以不合於汪直致仕

楊濬字德深忻州人成化丙午舉人歷新樂宛平知縣通州知州陞鄖陽府知府居心耿介莅政嚴明所在立石誌愛云

王堯臣忻州人宏治壬子舉人授三原縣知縣謫任崇

化縣教諭篤學勤教遷西華縣知縣

周宗懿字心古忻州人嘉靖己酉舉人歷甯晉紫陽知縣陞臨洮通判致仕孝友篤於家庭愷悌流於政事秉性醇篤處事寬和宦俸蕭然析之子姪竟鬻產以終餘年

張鳳翼字九苞代州籍忻州人萬曆癸丑進士授戶部主事累官遼東保定巡撫薊遼總督謝病歸崇禎三年起督薊遼保定軍務既復遵永四城敘功進太子少保兵部尚書世廕錦衣僉事鳳翼以西協單弱條奏增良將宿重兵備火器預軍儲遠哨探數事從之

已復謝病歸五年召爲兵部尙書六年二月與吏部尙書李長庚召對平臺諭以爲國任事潔已率屬鳳翼頓首退尋以宣大兵寡上言國初額軍宣府十五萬一千今止六萬七千大同十三萬五千今止七萬五千乞兩鎮各增募萬人分營訓練且月餉止五錢安能致赴桓之士乞一人食二餉從之七年以恢復登州功加太子少保八年鳳陽陷請令朱大典鎮鳳陽推盧象昇爲總理又言勦賊之役原議集兵七萬二千隨賊所向以殄滅爲期督臣以三萬分布豫楚數千里地力薄又久戍生疾故尤世威徐來朝俱潰

以二萬人布散三秦千里內勢分又孤軍無援故艾  
萬年曹文詔俱敗今旣益以祖寬李重鎮倪寵牟文  
綬兵萬二千又募楚兵七千合九萬有奇兵力厚矣  
賊在關內者屬總督關外者屬總理倘賊盡出關則  
總督合剿於豫盡入關則總理合剿於秦臣更有慮  
者賊號三四十萬更番迭出勢衆而力合我零星四  
應勢寡而力分賊所至因糧於我人皆宿飽我所至  
樵蘇後爨動輒呼庚賊馬多行疾一日而十舍可至  
我步多行緩三日而重繭難馳衆寡饑飽勞逸之勢  
相懸如此賊何日平乞嚴勅兩督臣以一二萬人爲

一軍俾前茅後勁中權聯絡相貫然後可制賊而不爲賊制今賊大勢東行北有黃河南有長江東有漕渠彼無舟楫豈能飛越我兵從西北窮追尤易爲力此防河扼險目前要策所當申飭者也上稱善命速行之鳳翼自請督師討賊不允九年請敕河南鄖陽陝西三巡撫各督將吏扼防毋使軼出四川湖廣兩巡撫移師近界聽援剿而總理二臣以大軍入山蹙之且嚴遏米商通販賊可盡殄上以爲然七月賜尙方劍督諸鎮勤王兵九月卒被議奪官十一年論前勦寇功有詔敘復自庚辰後易中樞十四人皆不久

獲罪鳳翼獨居位五載云著有句注山房集行世

國朝

崔德爲忻州人前已卯副貢順治二年授河南歸德府  
考城縣知縣首革船丁陋規時餘寇未靖凡一切軍  
務親身督理而士民不擾闔邑立石紀其德政解組  
後家居四十餘年非公不至當事稱爲高人

馬呈圖忻州人少孤有大志題壁云報國一心何日盡  
思親兩淚幾時乾中前壬午經魁授河南推官廉明  
著聲後遷保定兩臺列薦有操履一毫不苟揮霍八  
面俱優之句遷潤州司馬士民德之



史三榮忻州人少力學不倦順治乙酉舉人丙戌進士  
任山東兗州府東阿縣知縣明敏有爲東阿人刻其  
德政比之羊叔子云

張鍾英忻州人嗜古力學年未冠補弟子員順治辛卯  
舉人已亥進士授湖廣武陵縣知縣時逆寇猖獗隨  
掛冠而歸優遊林下教授生徒州人高之

周繼殷忻州人康熙己卯舉人賦性樸誠立品方正兩  
舉大賓以德行見重於鄉生平光明磊落直道而行  
聞難必恤見義必爲宗族戚友恆依賴之授安邑縣  
教諭督課有方經指授者多登高第鳩功修學兩闕

寒暑工賞不贍力復學鹽以給之至今多士恆思其  
遺澤陞潞安府教授有惜陰詩詞一卷

楊克慧字愚菴敬儒猶子也康熙壬午舉人壬辰會試  
中式癸巳成進士授大同府教授教士以安定紫陽  
爲宗擢浙江平湖縣知縣調瀆安皆著循聲告歸宦  
囊蕭然

馬嵩字鼎瞻呈圖孫康熙乙酉舉人絳州學正老年猶  
喜作文公餘之暇援筆成篇同人試文以意卜之十  
得八九八十餘猶能作小楷

崔景曾字宗堂德爲孫雍正己酉副榜乾隆庚午舉人

歷長子縣教諭太原府教授作七務五戒條約教士  
旋陞陝西麟遊縣蒞任後發奸摘伏明敏若神以性  
剛不能與人合被議歸家居不交官長足不入城市  
年八十二卒

郭令宣號輝臺忻州人爲文好深湛之思乾隆戊午科  
簾官誤抹其文覆閱詫異滌其迹呈薦是科遂領鄉  
薦壬戌選授洪洞縣教諭量移臨汾縣教諭所至士  
風翕然大府保薦選授福建壽甯縣知縣蒞任後自  
以儒官膺民社懼弗能勝於是益講求吏治事必躬  
親在任旣久士民說服大府嘉其能檄署延平府同

知又改署福甯府知府尋將遷擢合宣引退歸里去之日老幼攀轅泣送家居九年布衣菲屨見者幾忘其曾履仕籍也

馬騰蛟字象旗絳篤次子未冠補博士弟子旋廩於庠課讀晉陽書院考輒優等一時有馬杜康郭之稱乾隆壬申恩科鄉試改二月與兄起蛟俱冠一經是年秋成進士入翰林散館改兵部主事歷吏部員外郎郎中擢貴州貴東兵備道在官清正能稱其職以忤貴臣意降調尋請終養歸家居垂二十年特旨授福建邵武府知府居數年告歸優游林下謙退遜

讓若未嘗歷顯秩者文章精深樸厚與同郡崔燦齊  
名有課稿行世卒年七十九

馬漢蛟字雲階掄元次子少敏異爲文不假構思而樹  
義深刻乾隆戊子中亞魁歷廣東恩平長樂縣知縣  
署嘉應州知州歷任煩劇游刃有餘調知陽江縣陽  
江地濱海兼轄三司民刁俗悍素稱難治漢蛟莅陽  
六載政平人和嘗奉巡海面不避艱險留心緝盜奸  
匪斂跡士民歡忭頌聲載道題陞福建建甯府同知  
告歸卒年七十四

焦維域字鎮宇號東屏忻州東莊人嘉慶己卯 恩科

進士翰林院庶吉士散館改知縣道光元年選授四  
川江油縣知縣壬午鄉試同考官七年署馬邊同知  
會營兵傷夷人欲爲亂游擊某擬用兵域止之單騎  
往諭將滋事兵丁正法夷衆解散時某方伯聞夷地  
五歸填產金欲開礦域以爲不可游擊委員皆貪利  
深入被夷人逐出竄逸始免方伯由是銜恨八年調  
署納谿九年調崇甯未之任被劾改教職歸

劉視遠字惟明忻州董村人道光己丑進士卽用知縣  
分發河南因繼母多病陳請終養後服闋不樂仕選  
時渾源栗恭勤公總督河東厲書相勸堅辭以疾視

遠家道殷實居平好施予外家楊氏客西域爲置墓  
田供祭祀道光十三年歲大祲糴穀萬斛平糶市價  
遂平鄰村得免餓殍里人稱之咸豐三年粵逆竄平  
陽民情驚懼軍行乏食壽陽祁文端公疏請令視遠  
在本籍勸捐濟軍因集貲鉅萬以功加同知銜

張振新字少銘忻州人幼警敏弱冠領咸豐壬子鄉薦  
丙辰進士籤分工部主事新旣官京師聞見益博蒐  
討益勤同治壬戌應 詔陳言四事切中時病古文  
辭亦具有軌範接丁內外艱厯主趙城絳州平定州  
書院講席年四十二卒士林惜之

武階附

宋

元春忻州人忠顯校尉隰州團練使

金

李得義忻州人其先雁門人徙居郡之蘭村姿幹雄傑  
騎射絕倫從軍取蜀以武功贈忠翊校尉

元

李元通忻州人以武功任太原平陽兩路投下管領趁  
糧戶都總管

李大中忻州人武畧將軍太原路管軍千戶賜銀符



楊仲理忻州人大都金牌萬戶

楊全忻州人團練使千戶

楊得運忻州人以武功授金牌萬戶

鄭伯祥忻州人百戶

劉順忻州人百戶

劉璋忻州人百戶

張瑛忻州人百戶

龐用忻州人百戶

潘仁德忻州人百戶

趙榮忻州人至元間興元府總官

馬致柔忻州人總管

劉邦祐忻州人百戶

明

朱仲誠忻州人羽林衛百戶

王義忻州人蔚州衛百戶

高興忻州人蔚州衛百戶

都勲忻州人以武功歷宣府參將都督僉事

楊天節忻州人以武功任甘州衛百戶

王鎮忻州人以武功歷龍門衛指揮僉事

劉漢忻州人以武功歷官至大同總兵嘉靖三十九年

敵聚眾喜峯口外窺犯薊鎮漢出擣其帳於灰河敵

稍遠徙秋漢復與參將王孟夏等擣豐州禽斬一百

五十人焚板升畧盡四十二年春敵入宣府滴水崖

漢卻之漢嚴明謀勇屢建奇功爲邊將翹楚

劉本經漢子歷官遊擊善戰多謀有父風

劉本義本經弟歷官都指揮僉事

張秉誠忻州人崇禎時流寇入境所在屠掠村民欲逃  
竄秉誠獨言賊無定處逃將焉往乃聚集修輯堡完  
設法守禦賊眾逼堡誠率眾勵志堅守俟懈奮力齊  
擊賊賊遂退後賊屢至誠拒守如前卒免賊難州守  
壯其人薦於代州賈總兵標下委用獲功授守備以  
卒

張應魁忻州人有膂力多智謀崇正六年以監軍薦授  
千總十五年流寇肆氛攻井平衛甚急幾不能保魁

奮勇當先手提石轆轤兩枚打損雲梯數層賊不能登復引強弓射卻之賊遂退活男女數千人總戎嘉其績具聞於朝擢懷遠將軍守備山海關

米藩忻州人崇禎年間隨營千總陞平魯衛守備山海關都司

張德智忻州人崇禎十五年以武功授老營堡守備國朝

馬掄元字調夫忻州人呈圖曾孫乾隆戊辰武進士任甘肅柳溝衛守備遷馬水口都司廣東高州鎮標中軍遊擊廣西提標中軍參將魁梧有氣度事親孝不

募仕進中年卽告歸

趙攀龍字騰雲忻州人乾隆壬午科武舉分發直隸督標効力丁酉補宣化鎮標千總署萬泉膳房守備丙午陞兩廣督標後營守備署三水高州都司乙卯陞廣東雷瓊鎮標右營都司嘉慶丙辰署左營遊擊丁巳署欽州營參將攀龍爲人忠勇居官簡閱訓練教肅法備平臺灣剿博羅永安賊匪皆在事有勞乾隆末伴暹羅貢使入京特蒙 賜袍優獎丙寅告歸卒

邢鐸字干城忻州人姿貌奇偉讀書鄉塾閱班超傳慨然起投筆之志中嘉慶辛酉科武舉壬戌會試後考

取兵部差官甲戌選授陝西起臺堡守備其地回番  
雜處號稱難治鐫至任訓練士卒威惠並用人皆畏  
而愛之楊忠武公提督陝西以鐫辦事認真稱爲好  
守備調署隆德營守備旋復飭署孤山堡都司卒以  
與上司不協罷歸鐫性嚴正遇事敢爲所交多一時  
聞人善書居官時一切告諭皆親自屬稿不假胥吏  
手云

李坦字遵道忻州人生而資性英毅嘉慶戊辰科武舉  
己巳會試後考取兵部差官道光壬午銓江西贛州  
甯都營守備甲申署龍泉營都司戊子兼攝甯都營

參將庚寅推陞九江鎮標鉛山營都司戊戌攝廣信營參將篆尋提陞撫標右營遊擊癸卯以終養回籍坦歷任數十年所至明斥堠飭營伍尤以恩信結士卒心故所臨莅不數月歡聲雷動焉屢攝鹽務洗手奉職所輯兵書若干卷藏於家

盧國林字茂卿忻州人幼倜儻有奇氣喜讀孫吳書每思投筆從軍遊江南聞豫章金中丞募材勇遂應募隸標下旋補外委以父召回籍復効力大同鎮標嘉慶癸酉調鄆滑縣教匪城破日首登陴殺賊渠陳朝陽奪大旗一拔補平魯營把總調守烏里雅蘇臺居

邊十有三年將軍特公保薦授大同鎮中營千總署  
本營守備卒年六十三

捐納附

明

郃欽忻州人黃岡縣丞

李完忻州人棲霞縣丞

張驥忻州人保安州吏目

傅慶忻州人涇州吏目

高岡忻州人壽州吏目

楊大烈忻州人典簿

傅天賜忻州人藩教授

郭宏忻州人灤州吏目

李彥忻州人脩武主簿

楊沔忻州人潁州吏目

李寬忻州人合水訓導

劉乾中忻州人德州吏目



忻州志 卷三十一  
楊玳忻州人富平咸甯知縣

姜東忻州人由兵馬歷遷鳳縣知縣

史順忻州人昌邑主簿 武尚文忻州人序班

陳璣忻州人安樂州吏目 張宏忻州人汶上縣丞

史恕忻州人甘泉主簿 黨元祐忻州人典簿

楊永清忻州人由婺源縣丞歷遷祁門伏羌隴西鎮安

知縣

張文傑忻州人奉祀

郭遜忻州人階州判官 劉讓忻州人典寶

楊士傑忻州人德安府照磨

張鐸忻州人邠州吏目 郭馨忻州人主簿

婁涓忻州人邵武府照磨 楊澍忻州人三河主簿

張璣忻州人光州吏目 李用忻州人兵馬

張鏜忻州人遼東苑馬寺錄事

劉璽忻州人宜君縣丞 樊道夫忻州人奉祀

史鵬忻州人禹城主簿 王聚奎忻州人都司斷事

田寶忻州人嶧縣丞 李應芳忻州人太康縣丞

楊梁忻州人歷榮經主簿邯鄲縣丞

彭璋忻州人華亭主簿 李檀忻州人平谷典史

楊世亨忻州人通州衛經歷安鄉知縣

楊君賜忻州人汝甯府檢校

宿拱忻州人歷保定府知事以簡靜守約稱

黨承宣忻州人休甯主簿 陳紀忻州人知事

宿應先忻州人新城縣丞 姜登忻州人襄城縣丞

胡元禎忻州人兗州府照磨

趙時雍忻州人歷贛榆主簿葉縣丞甘州衛經歷

武尙義忻州人祥符主簿 聶永祿忻州人倉巡驛丞

邢尙仁忻州人林縣主簿 郭宇忻州人邵陽縣丞

黨承第忻州人秦州吏目隴西主簿

楊可立忻州人南樂縣丞 傅廣忻州人真甯典史

武尙忠忻州人歷序班臨潞主簿

武尚道忻州人黃縣主簿岐山縣丞

武尚肅忻州人乾州吏目 黨元祜忻州人商邱主簿

國朝

周王弼忻州人江西南昌府甯州州判

周維揚忻州人雲南永昌府司獄

焦臣周忻州人附貢大理寺右評事

石際虞忻州人廩貢永濟訓導

李九齡忻州人廩貢洪洞教諭

李方亨忻州人廩貢署襄陵教諭

李士傑忻州人廩貢署太原府教授

郭光華忻州人廩貢滎河教諭

郭永齊忻州人廩貢選稷山訓導

焦兩治忻州人議敘任江南揚州府清軍總捕貼堂同

知署江甯府江防船政同知

焦久照忻州人廩貢署潞安府甯武府教授

宿良承忻州人廩貢陽曲教諭

楊達人忻州人廩貢署汾陽訓導

楊受忻州人山東新泰典史

邢銓忻州人廩貢署壺關訓導

趙起元忻州人附貢臨汾訓導

王煥典忻州人附貢滎河教諭

杜述孔忻州人附貢聞喜訓導

崔景忻州人附貢永濟教諭

陳贊清忻州人附貢浮山教諭

李豐年忻州人直隸邢臺縣西黃村巡檢

張元益忻州人廩貢陽城訓導

段玉瑞忻州人廩貢文水訓導

郝齊芳忻州人附貢直隸試用巡檢

焦慶昌忻州人直隸試用府經歷

邢燧忻州人附貢戶部浙江司員外郎

郝毓蘭忻州人廣西歸順州湖潤寨巡檢

邢偉忻州人附貢署甯武教諭

崔灼忻州人附貢直隸大名縣丞

焦顯第忻州人生員雲南候補同知

趙士達忻州人附貢太谷教諭

趙士淦忻州人附貢平陸教諭

趙晉珍忻州人增貢五寨訓導

李鎮南忻州人浙江按察司司獄

黨附雲忻州人附貢刑部主事

焦培祚忻州人雲南試用鹽大使

張應臚忻州人河南南召縣李清店巡檢

徐楙棣忻州人四川廣安州吏目

周有光忻州人貴州撫標中軍守備

彭大元忻州人武生江南廬州衛千總

馬國士忻州人將軍會堡千總

李國柱忻州人殺虎口協標右營千總

趙凌垣忻州人武生廣西鬱林營參將署梧州協副將

趙凌奎忻州人武生浙江甯海州守禦所千總

宿彥明忻州人撫標右營把總

李蔚忻州人偏關老營把總



陳佐清忻州人武生保安堡三岔堡把總加守備銜

盧鷹揚忻州人武生歸化營薩拉齊把總

李陞忻州人武生署撫標右營左哨千總

周定邦忻州人吉州營都司

許定遠忻州人武生潞安協標右哨把總

忻州志卷三十二

忠烈

宋

何宏中字定遠先世居雁門叔祖青任忻州兵馬使因家焉祖行宣西遊相傳遇僊不返行宣子子奇子霖政和中中武舉高科子奇秉義郎武州宣甯尉子霖忠翊郎守豐州安豐砦皆沒王事宏中子奇子也幼倜儻儀觀秀整雅以奇節自許宣和二年方臘擾江浙宏中以太學武舉進士陳破賊三策徽宗褒諭謂非近日言事者所可比已而破賊如宏中策遂知名

宣和末集英殿試策中第二調滑州韋城尉汴京被  
圍州郡多避走獨韋不下兵退統制武漢英奏辟欽  
宗御札召赴軍前以路塞不果因請兵真定宣撫司  
時副帥种師中兵已潰宣撫使檄副漢英守銀冶路  
既而太原破西路無完城宏中等提兵並山而東將  
赴援京師俄漢英戰死去中收合散亡立山柵七十  
四所號令所及千里而遠艱食數月人不敢相食詔  
爲武節大夫河東河北兩路統制接應使是後金兵  
日盛所守唯銀冶一城金帥府募人生致宏中天會  
五年二月糧盡被擒大帥昭刺憐其忠解縛授以官

宏中投牒於地曰我常以此物誘人出死力若輩乃欲以此嚇我耶帥嘉其不降屈又問欲還鄉否宏中謀南奔陽以願歸爲言會監送使臣憇之囚西京府君廟二年帥一日召之授以官又不拜使之充軍亦不從取家屬填城黃龍府益偃蹇不行帥怒褫衣欲斬之宏中忻然就戮曰得死所矣擁之行已數十步帥終不忍召還問爾授官不願充軍又不行填城又不行斬又不懼畢竟欲何如宏中徐曰生死在公奚問爲帥怒解繫之西京獄得州人保任者數十族乃放歸請爲黃冠年六十三正隆四年病歿自號通理

先生著成真通理二集藏於家州將傳慎微幾先贈  
詩云故人何定遠造物不虛生骨骼稜稜瘦詩篇字  
字清世皆尊道義我獨見忠誠尊酒分攜後何時蓋  
復傾其餘與朱少章輩唱酬甚多皆推重之

金

張天任字西美戶部尙書翰子官近侍局副使天興二  
年從上至歸德二月戊辰元帥蒲察官奴以忠孝軍  
爲亂遇害

明

王治心字清源忻州人萬曆乙卯舉人初仕山東武城

令阻建魏璫生祠後緣事降階州學正魏璫敗後除  
會甯令擢大名府通判未幾以憂歸服闋起升安慶  
府同知清操卓著左良玉擁兵東下其部曲楊么等  
逼安慶城破遇害崇祀安慶府名宦祠乾隆四十  
一年謚節愍有傳詳其事載藝文

張宏業字印吾忻州人光祿卿泮子天啟間任撫標都  
司崇禎甲申闖寇犯太原時年七十餘歲矣協守阜  
城門勇悍如少年賊鋒近或勸宜少引避不答事迫  
妻趙相向涕泣宏業意自若亟呼僮奴具晨飯飯已  
啟櫃袖一繩以出立城頭矢石間指畫方畧比破人

悉奔潰從容下入邏室中命婿某結繩梁間某懼甚  
手戰不能舉宏業笑曰孺子幾誤吾事叱之去閉戶  
解佩刀引頸就繩以死是日趙亦自縊子凝和嘗官  
順天府通判分守北城亦死

曹亭忻州人天啟辛酉舉人初任清河令陞保定同知  
擢山海監軍道爲諸生時卽留心政治利弊如條奏  
去馬頭立驛站革車戶長設厰夫鄉閭頌之及任縣  
令清慎供職勸稼興學民有遺愛豎碑追思至監軍  
山海政事之暇興起多士如梁公清標兄弟爲本  
朝名宦皆素受教於門者後爲闖賊所獲不屈死祀

鄉賢

郝芳聲忻州人崇禎庚辰進士知山東東阿縣調滋陽  
有治聲崇禎十五年閏十一月 大清兵薄兗州城  
與監軍參議王維新知府鄧藩錫里居給事中范淑  
泰等分門死守十二月八日城破殉節贈卹如制

國朝

趙家駿字勝干忻州人順治辛丑進士知南溪縣吳逆  
之變死於官家駿性樸直喜觀古忠孝節烈遺事宰  
百里以慈惠蒞民已而三桂叛逆黨陷蜀自縊官署  
死乾隆六十年追卹 國初死事諸臣 予恩騎尉



世職祀鄉賢南溪祀名宦

趙猶龍字雲從家駿元孫爲人磊落魁梧善騎射曉兵法乾隆庚寅武舉辛卯會試考職二等効用汾州營  
歷署永甯沁州千總補直隸武清營千總辛亥陞雲南曲潯協左營守備調東川營左軍守備乙卯冬保  
陞都司將引 見時值貴州湖南苗疆蠢動大將軍  
福文襄公帥師勦賊丙辰正月檄猶龍赴援二月猶  
龍帥二百人偏師直入賊巢斬數百人嗣後屢次戰  
陣斬馘無算丁巳勦匪四川達州磨子壩直入賊營  
截渠魁左耳掖於馬上行數里賊拔小刀刺其胸而

逸猶龍還陣墮馬下卒腸胃俱湧出而神色不變事  
聞以猶龍死甚烈 予雲騎尉世職襲滿恩騎尉  
罔替祀昭忠祠

盧英銳忻州人賈於阿克蘇道光六年逆回張格爾破  
噶城慨然有執殳前驅之意自繪地圖謁軍門形勢  
瞭然旬月間大兵屢捷克數城揚威將軍長公保奏  
賞戴藍翎給五品銜補固原提標後營外委將不  
次擢用七年以張逆逃竄未獲請往達爾瓦斯一帶  
諭布魯特回衆至江格爾打坡遇賊力戰死事聞  
卹賞如制 予恩騎尉世職

史掄錦忻州人少習韜鈴用功甚銳道光己亥科武舉  
庚子聯捷成進士咸豐二年選授陝西西安城守營  
守備歷署耀州鹽茶等營都司固原提標遊擊咸豐  
七年調剿捻匪屢著戰功保奏陞邠州營都司仍署  
遊擊事咸豐九年三月二十五日在河南舞陽縣北  
舞渡力戰陣亡經河南巡撫瑛公榮奏請議卹五月  
十六日奉 硃批著照所請從優照遊擊例議卹八  
月十三日奉 旨賜卹世職雲騎尉襲滿恩騎尉罔  
替

王定字字鼎臣忻州人善騎射道光己亥科武舉庚子

聯捷成進士咸豐元年選授陝西固原城守營守備甫赴任委署邠州營都司護馬營監營遊擊三年粵匪擾河南懷慶檄帶固原五營會剿圍解賊窟山西平陽復劄調由太行迎頭截擊至高橋河連獲勝仗嗣平陽克復追賊至直隸阜平會河南項城土匪起調定宇往剿旋進攻安徽廬州有功得藍翎兼護陝西撫標中軍叅將尋陞文縣營都司五年毀廬州得勝門外賊壘府城克復換花翎六年隨克舒城防堵桐城廬江又調剿懷遠正陽關擒匪得保儘先遊擊三月途次溺水死統兵和公春奏請議卹如例 予

恩騎尉世職

范震忻州人崇禎初流寇自河曲至共百九十餘人震率衆捍禦爲賊刺刃於腹罵不絕口而死知州張珩爲刻碑銘諡之曰義愍先生

趙徵庸忻州人武生饒膽畧多技勇崇禎四年寇聚草塢山庸偵知之自請於當事者願剿滅之官給鄉兵五十人隨庸往庸挺身當先直搗巢穴賊與戰不利各望風逃竄不復敢嘯聚庸平寇下山馬被石蹶遂死州人哀之

楊黨忻州人生員順治初流寇餘氛未靖四出侵掠圍

攻堡寨黨與勇士王袖戎貫及甯武人張三等奮身  
殺賊賊衆披靡因衆寡不敵黨等俱爲賊所傷惟張  
三無恙三頗有智謀率衆堅守多方捍禦堡卒以全  
村民至今頌之

按范震趙徵庸楊黨三人事實多不甚詳然草野迫  
於義憤均爲國殤似與尋常義行有別舊志列入孝  
義稍欠妥協茲取附於忠烈之後以彰士民尊親之  
誼



忻州志卷三十三

孝義

晉

孝子劉殷字長盛新興人高祖陵漢光祿大夫殷七歲喪父哀毀過禮服喪三年未曾見齒曾祖母王氏盛冬思堇而不言食不飽者一旬矣殷怪而問之王言其故殷時年九歲乃於澤中慟哭曰殷罪釁深重幼丁艱罰王母在堂無旬月之養殷爲人子而所思無獲皇天后土願垂哀愍聲不絕者半日於是忽若有入云止止殷收淚視地便有堇生焉因得斛餘而歸



食而不減至時堇生乃盡又嘗夜夢人謂之曰西籬  
下有粟寤而掘之得粟十五鍾銘曰七年粟百石以  
賜孝子劉殷自是食之七載方盡時人嘉其至性通  
感競以穀帛遺之殷受而不謝直云待後貴當相酬  
耳弱冠博通經史綜核羣言文章詩賦靡不該覽性  
倜儻有濟世之志儉而不陋清而不介望之頽然而  
不可侵也鄉黨親族莫不稱之郡命主簿州辟從事  
皆以供養無主辭不赴命司空齊王攸辟爲掾征南  
將軍羊祜召參軍事皆以疾辭妻張氏性亦婉順享  
王母以孝聞王氏卒殷夫婦毀瘠幾至滅亡時柩在

殯而西鄰失火風勢甚盛殷夫婦叩殯號哭火遂越  
燒東家後有二白鳩巢其庭樹自是名譽彌顯太傅  
楊駿輔政備禮聘殷殷以母老固辭駿於是表之優  
詔遂其高志聽終色養勅所在供其衣食蠲其徭賦  
賜帛二百匹穀五百斛趙王倫篡位孫秀夙重殷名  
以散騎常侍徵之殷逃奔雁門及齊王冏輔政辟爲  
大司馬軍諮祭酒旣至謂殷曰先王虛心召君君不  
至今孤辟君君何能屈也殷曰世祖以大聖應期先  
王以至德輔世旣堯舜爲君稷契爲佐故殷希以一  
夫而距千乘爲不可迴之圖幸邀唐虞之世是以不

懼斧鉞之戮耳今殿下以神武睿姿除殘反政然聖迹稍麤嚴威愷肅殷若復爾恐招華士之誅故不敢不至也問奇之轉拜新興太守明刑旌善甚有政能屬永嘉之亂沒於漢漢主聰奇其才而擢任之累至侍中太保錄尚書事殷恆戒子孫曰事君之法當務幾諫凡人尙不可面斥其過而况萬乘乎夫犯顏之禍將彰君過宜上思召公咨商之義下念鮑勛觸鱗之誅也在漢朝與公卿恂恂然常有後已之色士不修操行者無得入其門然滯理不申藉殷而濟者亦已百數有七子五子各授一經一子授太史公一子

授漢書一門之內七業俱興北州之學殷門爲盛竟以壽終

金

孝子楊正德與弟庸德俱郎中天滋之子父歿兄弟哀毀及葬同廬墓側朝夕哭踊者三年金末兵亂一家免害人以爲孝感所致

樊寶郡人天會間捐粟賑饑存活甚衆

明

孝子邢政郡人居喪廬墓同時朱聰潛郝連俱有孝行孝子廩生曹貞麟父爲流賊所戕負屍將歸中途遇賊

疑其有財迎刃哭曰甯殺我勿驚父魂羣以爲孝子  
護送之其孫宗姬父早喪事祖母傅氏曲盡孝敬數  
十年如一日人又稱順孫

孝子邢元貞元亨郡人賣酒爲業誓不分居竭力養親  
以孝聞又同時生員梁田善居喪人以孝稱

孝子呂新鎬郡人父好施與常曲成之父老疾日夜不  
離側五年又邢昂馬雲俱以割股稱孝

孝子趙裕心郡人崇禎中以孝被旌

以上孝子  
俱載通志

張昇西南隅都人成化間捐粟千石賑饑與鄉飲

王經木芝二都人成化間輸粟賑饑授義官腴產讓弟

拾金還主人咸敬之

銀貴北胡村人成化六年歲祲出積粟賑濟鄉里有司嘉其義請旌授義官

宿昶東北隅都人成化間施粟賑饑授義官

武謙冶頭人素貧力作饒裕誓貸貲濟民償者不問利多寡負者不責也歲荒施粟賑饑

周仲德郡人正德間輸粟授義官性孝友債不能償者焚其券賑貧周急鄉人賴之

邢銓西南隅都人好施與每冬構橋南河濟涉嘉靖辛丑擄俘人口逃回過州餒不能行銓以餼糧給之全

活甚衆

范永澄郡人嘉靖三十九年助賑饑粟五百石又自捐一千餘石境內全活甚衆

郝登科郡人髫年拾金還人又王敬王承碧俱還遺金

國朝

孝子李友直郡人事父母盡孝父歿有所往必負父容瞻禮如居家日繼母病篤醫言糞苦可愈友直嘗之苦一藥而愈後母復病四月思瓜有老人捧瓜過其門友直市之入取值其人忽不見母食瓜病竟愈乾隆十四年旌表祀孝弟祠

孝子楊文奇郡人痛父失明聞見必告純孝性生至老不改歿後哀慕感動族黨爲齊民所僅見云

孝子廩生趙肯堂母早喪其父繼娶朱氏頗多嚴切肯堂小心敬事愉色婉容久而感化

孝子張星禧郡人家最貧父娶繼室竭力奉事無異所生及星禧妻死以貧故無力再偶星禧子代婦職親操井臼以事繼母歷二十年不少懈三子俱列膠庠人以爲孝行所感

孝子王作梁郡人孝友性成祖遺產薄梁躬任勤勞以共甘旨母卽世後事父彌篤父續娶繼母性悍頗加



凌虐梁和顛承受從無愠色父稔其實陰詰以杖梁  
曰無之母遇我厚母聞慚悔待梁加禮有弟二人梁  
爲之娶妻置產後弟謀析居梁任其所取概不與爭  
鄉里稱之

孝子宿振義郡人母楊氏病嘗糞甘苦哀顛神明母病  
尋愈人以爲孝感所致

孝子王仲仲郡人秉性孝友兄弟同居四十餘年善事  
繼母無忤時人義之擬於田氏焉

孝子吳月桂郡人天性孝友事親存歿盡誠經府州獎  
勵溧水李夢龍有詩褒之

孝子盧企聖西關人事母盡孝光緒四年請旌

孝子生員宿天爵父喪盡禮事母竭誠友愛諸弟撫之  
成立鄉里推服

孝子廩生王屏事親誠孝友愛弟昆黨庠推重

孝子高祿郡人事母周氏誠孝歷經獎勵其子庠生宗  
璧亦能紹述以孝行稱

孝子生員楊廣生事親誠孝

孝子貢生郭鎮品行端方事繼母傅氏以孝聞友愛兄  
弟和睦鄉黨學使優獎郡人士多觀法焉

孝子宿天德郡人五齡失怙祖憐而食之每抱食不下

咽祖問故曰欲以遺母祖甚奇之奉母三十年承顏  
順志宗族咸以孝稱與兄同居貿易多年家無私積  
子明如丙辰舉人

孝子生員張玉秀孝行素著父軒病危秀聞五臺山有  
香泉可療病遂日夜步行二百餘里攜水至父飲之  
果愈母嘗病訪醫太原醫至曰須用病人子女之血  
爲引秀立刺股間血投之亦愈

孝子盧宏福解原邨人篤志孝行友愛兄弟事繼母李  
氏克盡子職李嘗卧病日侍湯藥衣不解帶者逾年  
及沒哀毀三年不御酒肉嘗置義田里中以贍疾苦

族戚鄉黨賴之

孝子張毓賢郡人幼秉至性事繼母以孝比長慷慨尙義焚券急貧鄉人重其行後長孫覺世次孫安世連登科第時以爲積德之報云

孝子王說郡人其父用極官平陽守備年甫七齡卽知左右就養後事寡母曲致豐腆二十年如一日比任越支場大使前官貯鹽八萬零沒於海商竈苦累力請豁免辦解一應公項毫無騷擾在任八載場竈德之歸田閉戶朔望必肅衣冠拜君親其不忘孝敬忠愛如此

孝子貢生楊克明少孤事母孝生養死葬克盡禮制教  
育弟姪友愛彌篤嚴慎律躬足跡不履城市刻苦勵  
學雒誦時聞午夜忻定學者經其指授多所成就云  
孝子監生盧業父卒孝事繼母曲意承歡色養備至凡  
事稟命不敢自專彰母之節卒邀旌榮之典及遭  
喪終祥禫猶哀慕不已

孝子生員李見龍家貧事父以孝聞父歿事繼母曲盡  
其歡心待義兄友愛里人稱之

孝子生員張珽南高村人孝事父母友于兄弟和鄉黨  
而訓後學士子觀感咸知奮勵

孝子聶登雲樊家野場村人家赤貧奉養雙親勉盡子

職閭里稱之其子聶花亦能繼父志

孝子太學生楊華祝爲人孝友

海甯陳文勤公給至性惇倫匾

孝子張新芝東樓村人因殘廢不良於行恒以手代足  
不過數里父卒母無所養新芝之行乞奉母每得甘美  
必另儲一囊雖飢不忍食留以供母或得錢亦儲積  
爲母衣履資行或稍遠不能歸遇同村人必託寄食  
物屬其轉達現在某鄉不令母懸望如此二十年母  
歿棺殮之具皆其平日匄乞銖積營備旣葬畢泣告  
族人曰今大事已矣願君等將我納諸父母壙中我

甘心焉族人驚曰是何言吾等爲爾謀衣食今後毋庸乞也新芝曰我形體不全不願生活久矣徒以老母故茲無所繫念安忍留此支離之身自累而復累人乎族人不聽強扶掖以歸終不食而死傳載藝文孝子石連城字易璧段家莊人六歲而孤孝事孀母嘗泣曰吾不獲聞父教終身之憾也凡遺物無不珍藏什襲居恆頃刻不離膝下間出從未嘗過宿母有憂必曲意寬解年老猶作嬰兒戲以娛親母晚年得怔忡疾連城日夜奉侍衣不解帶十有二年飲食親嘗寢興親伺無少懈一日延醫視疾醫曰疾不可爲連

城再四言可療醫問故囁嚅而對曰糞尚苦醫愕然  
治之果減逾歲又劇復嘗之泣曰茲不可爲也糞甜  
矣母旋卒哀毀迫切見者爲之掩泣母以守節故生  
時已旌表建坊至是崇祀入祠遇父母忌日必率  
子孫齋肅致祭連城有二姊後俱貧生籌衣食歿爲  
棺殮諸甥得以成立皆連城之力也里人欲舉其孝  
行力辭遂寢於道光丁酉年卒八十二歲二十八年  
請旌前知州曹森別有傳紀其事今其孫曾蕃衍  
多列膠庠人謂孝德之報云

孝子王侃東張村人父三義於康熙辛巳年客豫侃甫



十齡越十六年音問杳然侃欲往尋衆曰河南地方  
遼闊行將焉往况存亡未卜徒自苦耳侃不聽謂其  
妻曰吾將尋父苦無資欲質汝衣飾得三五千文爲  
旅費妻諾他日以告父婦翁聞之曰壻有此孝心願  
少助毋庸質也將行侃族叔三魁曰汝年幼未出門  
吾曾游汴願偕汝行侃於冠上書一帖注姓名年貌  
有告之者前有山西人今在宜陽南山下種棉侃聞  
卽蹤跡之至宜陽投宿旅寓主人指示侃趨前伏地  
嗚咽不能言三魁繼至三義曰吾弟來此爲誰三魁  
曰爾次子侃也相持而哭遂父子歸里此康熙五十

六年事也侃兄弟析居家徒四壁僅薄田數畝三義  
曰夙逋期以歸償今若此何面目相見將北出雁門  
侃曰兒跋涉數千里甫自南歸又忍復之北乎遂盡  
鬻產以償債負傭力養父以終同治七年請旌

孝子侯進璋南蕭村人父三接於乾隆壬寅年赴山海  
關外計離家二十三年矣初三接出寄書輒得報三  
年後浮沈不達疑有故遂不寄書亦不歸歲愈久滋  
疑愈甚三接去時璋僅七歲或語及父容卽慘變稍  
長欲尋父時祖父年邁叔父亦遠客於外弟稚母恒  
多病賴璋經營以養是以不果行後璋娶妻生子依

舅服賈藉斃父耗兼籌資爲尋親計數年悉未得當  
璋以徒遷延歲月資終不獲且祖父年愈高恐不能  
待也乃決計辭祖父及母部署家事得十餘金有中  
表董姓醵金助其匱乏固辭不受毅然以行值大風  
雪有阻之者璋泣曰我不得父實天地間一罪人耳  
今不得吾不歸矣遂與鄉人寇姓偕往抵山海關例  
禁非有印信不許出復迂道北口寇姓屢欲返因感  
璋誠孝與俱往黃沙彌漫曠無人煙行至船廠聞父  
曾一至後無確所意仍在東也留寇獨往或日行泥  
淖履爲之穿或山深林密虎豹咆哮璋情益愴志益

厲而氣益壯子身無恙至鴨綠江又無舟以濟剡木以渡稍偏倚卽沉溺艱苦備嘗至甯古塔有路人馮富春在思次往踪跡之轉輾稽詢聞十道梁有種煙者侯性不知其名璋疑卽父猶相去百餘里奔赴以往告其鄰詭以同鄉見及見父已蒼然老矣訊得實拜伏嗚咽不能起三接猶不信鄰以實告隨語家人瑣屑事痛哭曰真我子也何以至是見者皆爲之泣下於是父子偕歸璋去時嘉慶九年正月次年始回往返年餘徒步萬里非至誠所感而能若是乎方璋之將歸也苦無資稱貸於鄉人有託寄數十金還家

者途次遺失璫多方設措以償之其不苟如此同治

元年請旌入祠

孝子郝于理董村人事母盡孝母疾割股以進鄉人至  
今稱之

孝子生員焦潛修字靜齋本城人幼不好弄就外傳終  
歲不出塾其沉靜如此母得癱瘓疾動止需人侍養  
不倦疾轉劇潛修壹意湯藥衣不解帶者三年偶然  
外出母卽呼泣雖羣子婦在側弗善也後母歿潛修  
號泣三晝夜水漿不入口父再四諭之乃勉進餽粥  
及父再娶事之無異所生患病瀕危父憂虞益甚潛

修對曰可無憂疾尋愈父再三詰問嚙嚙而言曰糞  
味苦以是知之衆愕然相顧始知於前母疾時已數  
數試矣後疾危殆父臨視猶勉強笑迎自謂無恙以  
寬父憂卒之夕諳諳屬姪讀某書習某字孝經人之  
綱紀尤宜熟讀也里人石皓有傳詳其事道光二十  
八年請旌

孝子上佐都潘萬錦孝行著於鄉里親疾嘗糞嘗藥侍  
養惟謹嗣親歿一切如禮葬畢卽廬於墓側日夕哀  
泣二十餘年無少間嗣錦子念父衰老穴居已久乞  
求家居錦不忍離族戚屢屢勸慰強之始歸猶每日

再三往省如事生然性友愛事兄亦恭順凡有爲必  
稟命而行不敢自專前知州曹森給予孺慕終身額  
表其閭里人石皓有潘孝子廬墓序載藝文咸豐十  
一年請旌

孝子寇體中豆羅都人五歲喪母哀毀如成人少孤事  
繼母以孝聞家貧得甘旨輒躬執爨以供母母病篤  
衣不解帶半載有餘求醫問卜藥必嘗而後進及母  
歿哀號成疾一藥而愈人以謂精誠所感光緒四年  
請旌入祠

孝子王生榮本城人生有至性年十二而孤事母能以

色養母晚年失明生榮一夕兩鬢皆白出入起居未嘗離左右母每患寂悶時侍列笑語以博歡心每食必親操匕箸以進不假人手妻妾有違失叱令長跪乞母訓責而後已如是十餘年母嘗語人曰吾無日以吾子爲之目如未嘗瞽也嗣母卒哀毀幾至滅性餒粥三年凡母所遺衣物別置一室見輒流涕祭日必爲文以告某物在某處或稍移動卽怒責之服闋恆鬱鬱不得遂遘疾卒生榮善書喜吟詠自母故後皆屏除不爲有寡人負母行乞亦失明生榮見之慨然給以衣食於是者二年歿給喪具其能錫類如此



同治七年 旌表入祠

孝子尹村生員張樹儀少孤家貧無期功親其舅氏貨麩爲業遂往依焉儀母爲之操作若傭兄恒止之儀母曰吾有子胡可坐食及儀長讀書穎悟州試冠軍游庠屢試不售因母老病遂棄舉子業朝夕奉侍不離厯數寒暑後母病篤親嘗糞甘苦母歿哀毀盡禮旣葬時至墓前介然成路舅氏病親奉湯藥事之如父舅家漸落儀鬻產爲營喪葬或以爲過儀曰以人之財濟人之事於我何傷先是舅家析產嘗分給儀母人稱其友愛儀性謙冲不苟言笑課門人每解經

至孝弟等篇輒潛然涕下至性如此前學使黃侍講  
鉅嘗欲舉儀孝廉方正前知州戈濟榮給予恪恭克  
孝匾表其門年七十臥病動輒需人其子亦以孝聞  
孝子劉允恭解原村人甫九齡母得痿疾卽能順意承  
志因得漸次痊可越十年母恙復發允恭日益惶懼  
祈禱於神願以身代扶持抑搔親滌穢濁如是者十  
五年母卒哀痛失聲喪葬如禮里黨稱之

孝子九原鄉金村郭玉庸其父貿易蘇州久不返去時  
其母方孕數月生庸其父不知庸而庸亦不知父之  
遠客於外也庸甫數歲母病卒其祖母尙在辛勤撫

育稍長卽聞父所在祖母泣告以故庸罔然有思急欲赴蘇尋父迫於貧不果又聞父有將歸之耗乃止其舅氏貿易陝西之鎮橋堡挈庸往甫至卽得父凶問大痛欲往舅氏以其齒稚阻之不可泣曰我男子忍令父暴骨於異鄉乎竟辭歸苦無資用僅有屋數椽因貸其半行至蘇郡無覓處乞食於市遇忻之商於蘇者詢之知爲尋父而來爲之感泣徧訪墓所始得之因齧指血驗之信遂負父骨以歸與其母合葬焉庸事祖母亦孝謹後家漸小康

孝子趙文選前播明村人咸豐戊午科舉人性最孝少

時就外傅咕嗶之間每思親輒潸然淚下後年逾五十猶嬉戲以娛親母賀氏臥病常日夜侍養無倦容孝子李呈楨本城人幼孱弱多疾讀書至夜分不休父每促使早眠恐其過勞致疾也甫弱冠父卒哀泣氣幾絕少頃泣然曰吾不獲事父尚有母在當竭孝養以贖不孝之罪家貧弟妹幼稚授徒自給每以甘旨奉母有疾卽不離左右後母病危殆醫藥罔效祈禱於神得籤方尋愈越十餘年母恙復作楨憂慮成疾遂卒不數日母亦歿

孝子雙白留都郭利仁少孤賴母撫育成立利仁甫七

歲卽能順志承顏問寢視膳蓋出於至性迨年二十有先人遺肆在塞外因不忍遠離遂多給貲用倩人爲之經理凡族姻有慶弔事雖暮必歸母年七十餘得癱疾藥必嘗而後進沈疴八年衣不解帶祈禱於神願以身代旣歿居喪以禮哀毀幾至氣絕痛母青年守志嘗謂人曰罔極之恩何時可報服勤孝養始終無倦母已請旌入祠

孝子石家莊楊生榮父萬億攜弟隨祖父至新疆貿易徙居無常音問罕通萬億出門時榮方孕六月家苦貧年十四母卒依繼祖母季父卽能得其歡心逾年

亦服賈河曲恒念父祖不置欲往尋祖母力止之云  
渠三人去而不返良足悲今又益汝而四且無貲不  
可往榮脉脉不語所獲傭資除寄家外銖積數十緡  
咸豐十年跪啓祖母願尋父祖歸時有中表劉姓曾  
商烏魯木齊悉父所在約與偕往見父泣不成聲父  
亦悲喜交集見者爲之垂淚詢知祖父歿於喀什噶  
爾仲父淹留葉爾羌相隔又四千里父欲往榮以  
父老病諫阻隻身至葉爾羌見仲父明年同赴喀什  
噶爾扶祖父旅櫬回烏城遂兄弟父子移櫬同歸榮  
往返二萬數千里歷時十九月其艱難險阻有不可

言語形容者榮幸無恙卒成其志殆陰有鬼神呵護  
俾盡其孝思同治七年里人公舉其孝前知州戈濟  
榮給予孝行可風匾表其門

周子義國學生稟性剛方素行嚴正鄉黨望而敬之以  
義方訓子待族黨廓然一體尤善解推康熙十九年  
歲饑煮粥賑濟全活無數

焦浴暉廬監富而喜施康熙三十六年孟壽二縣荒流  
民至本村者給以衣食又四十二年本郡饑煮粥放  
賑外每人給米一升其他種種善行大都類此子天  
佑亦能恪守父志

彭瓏國學生素多義行有本村窮民二家皆以無度鬻妻瓏惻然力止之給以衣食並畀貿易之資至今兩家完聚皆瓏之力也嘗捐百金平蝦墓坡建立茶棚行者便之

張文英監生好善樂施康熙二十九年歲饑煮粥濟貧全活甚衆

李昇郡人嘗適陽曲遇貧民戚喜父母衰老子女尙幼忽病疽養生無資不得已鬻妻王氏議價四十五兩昇聞之卽如數輸銀與喜令毋離散以保全一家性命焉



陳永年嘉禾村人急公好善創州南郭外茶房解行旅之渴又與里人傅選侯元等造牧馬雲中二河橋梁平生善行甚多年八十餘無疾卒時以爲坦化云按永年著有苦行歌俱係實蹟嫌行文欠雅以是未載

王某佚其名其孫名吉祥前東高村人由奇村歸見道

旁有遺囊停車拾取展視皆錢帖約八九十千

又云四百

餘因語僕曰此物如遇貧人遺失攸關性命遂折回

奇村訪問遇失者正惶遽失色曰非君則吾命休矣願以一半酬之王不肯曰此本爾物何酬爲卒不肯受里人稱之

趙金保韓嚴村人道拾孟秉義遺金孟覓趙還之里人  
稱爲長者

周述利遂家莊人平生好善常平治道路以利行人里  
人立善行碑紀其事

王琅六石村人輕財好施予道光十二年歲祲穀價翔  
貴琅減價平糶里人薛河東有文紀其事



忻州志卷三十四

隱逸

北魏

薛雲肆州人性嗜學不樂仕進隱州東南繫舟山讀書自適以終其身今名其谷曰薛雲谷

宋

劉易忻州人性介烈博學好古喜談兵韓琦知定州上其所著春秋論授太學助教并州學說書不能屈志仕進寓號之廬氏習辟穀術趙抃復薦其行誼賜號退安處士易作詩琦每爲書石或不可其意輒滌去

琦亦再書之尹洙帥渭延致尊禮狄青代洙遇之亦  
厚治平末卒琦作文祭云剛介之性天下能合者有  
幾淵源之學古人不到者甚多其敬之如此熙甯初  
祭定戶役詔易家用處士如七品恩得減半示優禮  
云

金

元德明號東巖秀容人唐禮部侍郎結之後幼嗜書口  
不言鄙事樂易無畦畛布衣蔬食處之自若家人不  
敢以生理累之累舉不第放浪山水間飲酒賦詩以  
自適四十八卒有東巖集三卷其族父滋新有隱操

墓誌載藝文又秀容孫益字德裕從德明學亦能詩

元

張惟善忻州人藏書萬卷隱居授徒出其門者多名人  
其墓銘曰於維先生學傳聖心文經是式詩雅斯欽  
上希陳邵晦迹幽深

明

宿應陽忻州人博學苦心屢舉弗第詩文自適後學多  
出其門與王治輩爲詩酒之友徜徉終老

國朝

陳于帝忻州人明學貢生少有才名管理定安府事中

尉彝林雅重之時宗室驕橫羅織平民每以一言排  
釋值流寇猖獗勸中尉散財發粟招募勇敢用備不  
虞中尉不能用及逆鬪入忻隱晦逃匿莫從踪跡自  
後絕意仕進謝遣生徒不與外事罕有識其面者惟  
與傅青主爲友每過訪輒流連不忍去云同時有索  
述聖亦博聞多學與青主友善有所作輒自焚其稿  
以是鮮有知者

張天斗字中宿忻州北場村人明季布衣少穎異博綜  
羣書負幹濟才雁門孫忠靖公引叅戎幕嗣忠靖殉  
國遂歸里迨明鼎革放浪山水喜與僧徒往來縱論

中年喪妻卽不復娶無子嘗修家譜置祭田晚年自營生壙平生著作頗多有傳詳其事載藝文

楊玉樹字臨風別號守黃道人忻州楊家莊人明末布衣幼英敏初習舉業文卽矯矯不羣鄉先輩一見詫賞連不得志於有司遂棄置不事博覽羣書爲詩古文詞恣情山水雖厨荒竈冷不問也喜談忠孝節義聞其事輒津津樂道爲文以紀之惟恐其失傳平生著述甚富不自收拾多散軼無存晚年子若孫先後天逝有人所難堪者不戚戚以自損嘗曰李廣不封伯道無兒命也人能與造化爭乎其放達如此